



JADUAL KHUTBAH JUMAAT SIRI 2/ 2022

(Bulan Februari 2022)

Bil.	Tajuk	Tarikh	Muka Surat
1.	WIRA UMAT TAK DIDENDANG	4 Februari 2022M/ 2 Rejab 1443H	3
2.	KERJAYA ADALAH GUDANG PAHALA	11 Februari 2022M/ 9 Rejab 1443H	8
3.	PERKUKUH INSTITUSI TAHFIZ	18 Februari 2022M/ 16 Rejab 1443H	13
4.	CURANG DI LEMBAH REZEKI	25 Februari 2022M/ 23 Rejab 1443H	18
KHUTBAH KEDUA			23

Percetakan dibiayai:



زكاة فولاو فينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Wira Umat Tak Didendang

(4 Februari 2022M / 2 Rejab 1443H)

الْحَمْدُ لِلَّهِ الْقَائِلِ: وَلِكُلِّ وَجْهٍ هُوَ مُوَلِّيهَا فَاسْتَبِقُوا الْخَيْرَاتِ أَيْنَ مَا تَكُونُوا
يَأْتِ بِكُمْ اللَّهُ جَمِيعًا إِنَّ اللَّهَ عَلَى كُلِّ

شَيْءٍ قَدِيرٌ ﴿١٤٨﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ، الصَّادِقُ الْوَعْدِ الْأَمِينُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ،
وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIKASIHI ALLAH,

Khatib bepesan kepada diri sendiri serta para jemaah sekalian, bertakwalah sekalian kamu kepada Allah dengan sebenar-benar takwa dan janganlah kamu mati melainkan dalam keadaan Islam. Marilah kita tingkatkan ketakwaan kepada Allah dengan melakukan segala suruhan-Nya dan menjauhi segala yang ditegah-Nya. Mudah-mudahan dengan asbab ketaatan dan ketaqwaan kita kepada Allah, segala bala dan ujian segera diangkat oleh Allah
سُبْحَانَهُ وَتَعَالَى.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih



ganjaran pahala. Mimbar pada hari ini akan membicarakan khutbah bertajuk: **“Wira Ummat Tak Didendang.”**

HADIRIN SEKALIAN,

Tirai 2021 ditutup dengan kejutan musibah banjir besar di beberapa negeri di Malaysia tanpa disangka. Musibah ini telah meragut puluhan nyawa, merosakkan harta benda, kemudahan awam dan infrastruktur serta kehilangan tempat tinggal. Malah, sewaktu musibah ini berlaku terdapat juga mangsa-mangsa banjir yang kelaparan akibat terlalu lama terputus bekalan makanan. Inilah antara bentuk ujian bagi menguji kesabaran manusia sepertimana yang terakam dalam surah al-Baqarah ayat 155;

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ ۗ وَبَشِّرِ الصَّابِرِينَ ﴿١٥٥﴾

Maksudnya: “Demi sesungguhnya! Kami akan menguji kamu dengan sedikit perasaan takut (kepada musuh) dan (dengan merasai) kelaparan, dan (dengan berlakunya) kekurangan dari harta benda dan jiwa serta hasil tanaman. Dan berilah khabar gembira kepada orang-orang yang sabar.”

Sedarlah bahawa tujuan Allah ﷻ menguji hamba-hamba-Nya di dunia ini adalah untuk melihat siapa yang jujur hatinya dan siapa yang berdusta, siapa yang sabar dan siapa yang berkeluh-kesah. Ini merupakan sunnatullah yang berlaku sejak dahulu lagi. Jika kesenangan sentiasa diperolehi oleh manusia tanpa diuji, maka tidak dapat dibezakan antara orang yang beriman atau sebaliknya.

SIDANG JUMAAT YANG DIRAHMATI OLEH ALLAH ﷻ,

Musibah banjir yang berlaku memperlihatkan aspirasi dan semangat ‘Keluarga Malaysia’ dalam bantu membantu dan tolong menolong antara satu sama lain. Kisah ‘Abang Viva’ yang tular di media sebelum ini merupakan secebis kisah daripada ribuan rakyat di negara ini yang sanggup mengorbankan masa, tenaga dan harta benda yang mereka miliki untuk membantu orang lain yang dalam kesusahan. Malah, ketika Sidang Dewan Undangan Negeri Melaka

berlangsung, penghormatan khas telah diberikan kepada beliau selaku ‘wira yang tak didendang’ kerana sanggup bersusah payah membantu mangsa banjir walaupun dirinya juga serba kekurangan.

Watak Abang Viva atau nama sebenarnya Azwan Omar memperlihatkan kepada kita bahawa tidak perlu menunggu sehingga menjadi kaya untuk bersedekah atau membantu orang lain. Sifat merendah diri beliau dan sanggup berkorban wajar diteladani terutamanya oleh generasi muda. Malah beliau turut mengambil cuti demi memberikan khidmat kepada mereka yang memerlukan. Allah SWT berfirman dalam Surah al-Hashr ayat 9:

وَالَّذِينَ تَبَوَّءُوا الدَّارَ وَالْإِيمَانَ مِنْ قَبْلِهِمْ يُحِبُّونَ مَنْ هَاجَرَ إِلَيْهِمْ وَلَا يَجِدُونَ فِي صُدُورِهِمْ
حَاجَةً مِّمَّا أُوتُوا وَيُؤْثِرُونَ عَلَى أَنْفُسِهِمْ وَلَوْ كَانَ بِهِمْ خَصَاصَةٌ وَمَنْ يُوقِ شُحَّ نَفْسِهِ
فَأُولَٰئِكَ هُمُ الْمُفْلِحُونَ ﴿٩﴾

Maksudnya: “Dan orang-orang (Ansar) yang mendiami negeri (Madinah) serta beriman sebelum mereka, mengasihi orang-orang yang berhijrah ke negeri mereka dan tidak ada pula dalam hati mereka perasaan berhajatkan apa yang telah diberi kepada orang-orang yang berhijrah itu dan mereka juga mengutamakan orang-orang yang berhijrah itu lebih daripada diri mereka sendiri, sekalipun mereka dalam keadaan kekurangan dan amat berhajat dan (ingatlah), sesiapa yang menjaga serta memelihara dirinya daripada dipengaruhi oleh tabiat bakhilnya, maka merekalah orang-orang yang berjaya”.

Ini ialah sikap orang-orang Ansar yang sanggup berkorban jiwa dan raga untuk membantu. Demikian jugalah sikap yang terzhahir dalam kalangan masyarakat walaupun berbeza bangsa dan warna kulit. Malah, terdapat masjid-masjid dan surau-surau di seluruh negara termasuklah di Pulau Pinang yang menyediakan tabung khas khusus bagi menyalurkan bantuan kepada mangsa-mangsa banjir. Bagi mereka yang terkena musibah banjir diminta bersabar dan kita yang terselamat membantu mereka yang memerlukan. Tahniah kepada rakyat Pulau Pinang atas keprihatinan semua yang berkongsi rezeki bersama mereka yang terjejas akibat banjir. Sifat mahmudah beginilah yang amat dituntut oleh agama dan besar ganjarannya seperti sabda Nabi ﷺ:

مَنْ يَسِّرَ عَلَى مُعْسِرٍ يَسِّرَ اللَّهُ عَلَيْهِ فِي الدُّنْيَا وَالْآخِرَةِ

Maksudnya: “Sesiapa yang mempermudah ke atas orang yang susah maka Allah akan mempermudah urusannya di dunia dan di akhirat.”

Islam agama yang berteraskan kasih sayang sentiasa menyuruh umatnya agar tolong menolong, selalu berakhlak dengan akhlak yang terpuji dan berbuat baik sesama manusia. Inilah yang diajarkan oleh baginda Nabi Muhammad ﷺ kepada para sahabat terutamanya membantu mereka yang berada dalam kesusahan.

MUSLIMIN YANG DIMULIAKAN ALLAH,

Musibah juga merupakan tanda kasih sayang Allah buat hamba-hambanya. Di sebalik ujian yang menimpa, tanpa disangka-sangka hadir bersama ribuan rahmat yang terzahir melalui pelbagai bentuk bantuan sama ada melalui orang perseorangan, badan-badan bukan kerajaan, pelbagai kelab dan persatuan serta daripada pihak agensi kerajaan sendiri. Kebaikan yang terzahir sewaktu musibah dan bencana alam yang berlaku adalah menunjukkan bahawa kita semua adalah bersaudara sebagaimana baginda Nabi ﷺ bersabda;

الْمُؤْمِنُ لِلْمُؤْمِنِ كَالْبُنْيَانِ يَشُدُّ بَعْضُهُ بَعْضًا

Maksudnya: “Orang mukmin dengan orang mukmin yang lain seperti sebuah bangunan, sebahagiannya menguatkan sebahagian yang lain”.

SIDANG JUMAAT YANG DIRAHMATI,

Sebagai kesimpulan dari khutbah hari ini, perlu diinsafi bahawa selaku orang yang beriman hendaklah kita membudayakan sifat tolong menolong dan bantu membantu dalam kalangan masyarakat terutamanya ketika sesuatu musibah berlaku. Marilah kita bersama-sama menghayati intipati daripada khutbah yang dibacakan tadi:

Pertama: Sifat tolong menolong sesama manusia adalah sifat yang terpuji.

Kedua: Tidak perlu menunggu kaya untuk bersedekah, kerana amalan bersedekah dapat dilakukan dengan pelbagai cara mengikut keupayaan masing-masing.

Ketiga: Tolong menolong hendaklah dibudayakan dalam masyarakat terutamanya ketika berlaku musibah.

Keempat: Mereka yang diuji dengan pelbagai dugaan serta musibah hendaklah bersabar begitu juga mereka yang membantu.

Firman Allah dalam Surah al-Maidah 48;

...لِكُلِّ جَعَلْنَا مِنْكُمْ شِرْعَةً وَمِنْهَاجًا وَلَوْ شَاءَ اللَّهُ لَجَعَلَكُمْ أُمَّةً وَاحِدَةً وَلَكِنْ لِّيَبْلُوَكُمْ فِي مَا آتَاكُمْ فَاسْتَبِقُوا الْخَيْرَاتِ إِلَى اللَّهِ مَرْجِعُكُمْ جَمِيعًا فَيُنَبِّئُكُمْ بِمَا كُنْتُمْ فِيهِ تَخْتَلِفُونَ ﴿٤٨﴾

Maksudnya: "...Kami jadikan (tetapkan) suatu Syariat dan jalan agama (yang wajib diikuti oleh masing-masing) dan kalau Allah menghendaki nescaya Dia menjadikan kamu satu umat (yang bersatu dalam agama yang satu), tetapi Dia hendak menguji kamu (dalam menjalankan) apa yang telah disampaikan kepada kamu. Oleh itu berlumba-lumbalah kamu membuat kebaikan (beriman dan beramal soleh). Kepada Allah jualah tempat kembali kamu semuanya, maka Dia akan memberitahu kamu apa yang kamu berselisihan pada-Nya".

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَخْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَزْهَمَ الرَّاحِمِينَ.



Khutbah Kedua Bulan Februari

2022M/ 1443H

الْحَمْدُ لِلَّهِ عَلَى آلائِهِ إِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah
Duli Yang Maha Mulia Seri Paduka Baginda Raja Permaisuri Agong,



Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطُنَ، عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama dan negara. Ya Allah! Janganlah Engkau balakan kami di atas kedurjanaan sebahagian daripada orang-orang bodoh dari kalangan kami.

عِبَادَ اللَّهِ: إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١١﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٢﴾